

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-322/13
Vareš, 12.03. 2013. godine

Na osnovu člana 98. stav 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) i člana 38. stav 1. Statuta Općine Vareš – prečišćeni tekst, broj: 01-162/12 od 11.09. 2012. godine, Općinski načelnik d o n o s i:

P R O G R A M

RADA OPĆINSKOG NAČELNIKA ZA PERIOD 2012. – 2016. GODINA

OSNOVNO NAČELO

Vareš će u periodu 2012. – 2016. godina, putem organa uprave i Općinskog vijeća, stvoriti

Ambijent za nesmetanu

Realizaciju i stvaranje pretpostavki, da se

Ekonomijom i punim jedinstvom u različitostima, stvori neophodna

Šansa, da općina Vareš bude mjesto ugodnog, poželjnog i perspektivnog življenja.

adresa: Zvijezda 34, 71330 Vareš
identifikacijski broj: 4218285300002
depozitni račun: 3380002210017420

tel.: 00387 32 848 100; **fax:** 848 150
web: www.vares.info
e-mail: vares@bih.net.ba



SADRŽAJ

I. Uvod	3
II. Organizacija i unapređenje funkcionisanja organa uprave	4
III. Razvoj preduzetništva i zapošljavanje	5
IV. Kapitalni infrastrukturni i turistički projekti	7
V. Komunalni red i zaštita okoliša	8
VI. Razvoj kulturno-sportskog i obrazovnog sektora	9
VII. Unapređenje zdravstvene i socijalne zaštite	11

I. UVOD

Program rada Općinskog načelnika za period 2012–2016 godina, zasnovan je na procjenama dobivenim analizom trenutnog stanja u organu uprave, ključnim opredjeljenjima utvrđenim u Izbornom programu rada Općinskog načelnika u okviru četverogodišnjeg mandata 2012–2016 godina i dokumenta Okvirnog budžeta Općine Vareš za navedeni period kao i strateškim ciljevima definisanim Strategijom razvoja općine Vareš za period 2006–2015 godina i Master planom razvoja općina Vareš i Kakanj.

Program rada sadrži zadatke Općinskog načelnika i nadležnih općinskih službi za upravu koji proizilaze iz njihove nadležnosti utvrđene ustavom, zakonom i Statutom Općine Vareš (izvršavanje zakona, izvršavanje odluka i drugih propisa Općinskog vijeća Vareš, provođenje utvrđene općinske politike, upravno rješavanje, obavljanje nadzora i praćenje stanja po oblastima za koje su osnovane općinske službe za upravu, davanje inicijativa za rješavanje pitanja iz samoupravnog djelokruga Općine, pripremanje nacрта i prijedloga općinskih propisa i dr.) te izvršavanje zadataka koji će biti utvrđeni Programom rada Općinskog vijeća Vareš u periodu 2012. – 2016. godina uz definisane nosioce izrade, razloge za donošenje i rokove izvršenja.

U mandatnom periodu 2012. – 2016. godina, Općinski načelnik će u skladu sa navedenim dokumentima i programima nastojati da zaustavi daljnje urušavanje i propadanje općine Vareš na svim poljima društveno-političkog i privrednog života. Općinski načelnik će sa svim akterima društveno-političkog i privrednog života raditi na podizanju nivoa saradnje, a za dobrobit društvene zajednice.

Sastavni dio ovog Programa čini Katalog projektnih ideja Općine Vareš.

II. ORGANIZACIJA I UNAPREĐENJE FUNKCIONISANJA ORGANA UPRAVE

U skladu sa Zakonom o organizaciji organa uprave u Federaciji Bosne i Hercegovine („Službene novine FBiH“, broj: 35/05), Zakonom o principima lokalne samouprave u Federaciji Bosne i Hercegovine („Službene novine FBiH, broj: 49/06) i Statutom Općine Vareš, Općinski načelnik će putem općinskih službi za upravu i u okviru vlastitih nadležnosti u periodu od 2012. do 2016. godine obavljati sljedeće aktivnosti:

- ◆ pokrenuti Inicijativu za izmjene i dopune propisa ZE–DO kantona i podzakonskih akata u smislu jačanja lokalne zajednice kod raspodjele sredstava – nakada za korištenje prirodnih resursa Općine Vareš;
- ◆ blagovremeno izvršiti neophodne pripreme za provođenje popisa stanovništva;
- ◆ povremeno organizovati međustranačke sastanke u cilju sagledavanja i zajedničkog djelovanja na rješavanju vitalnih životnih potreba svih građana Općine Vareš;
- ◆ predstavljati i zastupati Općinu Vareš i donositi akte iz svoje nadležnosti;
- ◆ raditi na reprogramiranju i sanaciji dugova Općine Vareš;
- ◆ Općinskom vijeću Vareš podnositi nacрте i prijedloge općinskog budžeta u zakonskim rokovima i odgovarati za izvršenje budžeta te o tome podnositi polugodišnje i godišnje izvještaje;
- ◆ osigurati izradu i podnositi na usvajanje prijedloge ekonomskih, razvojnih, investicionih, prostornih, urbanističkih i drugih planova;
- ◆ Općinskom vijeću Vareš predlagati odluke, rješenja i druge opće akte te odgovarati za njihovo izvršenje;
- ◆ provoditi utvrđenu politiku u skladu s odlukama Općinskog vijeća Vareš, zakonima i drugim propisima čije je izvršavanje povjereno Općini Vareš;
- ◆ donijeti Pravilnik o unutrašnjoj organizaciji i sistematizaciji radnih mjesta u organu uprave s ciljem efikasnijeg rada organa uprave i pružanja usluga građanima i pravnim licima;
- ◆ donijeti akte iz oblasti plaća, naknada, dohodaka na plaću, odmorima i odsustvima u skladu sa Zakonom;
- ◆ raditi na racionalizaciji zaposlenosti u općinskim službama za upravu, te nastaviti sa programom štednje u organu uprave i drugim institucijama i organima koji se finansiraju iz općinskog budžeta;
- ◆ provoditi ocjenjivanje državnih službenika i namještenika;
- ◆ provoditi kontinuiranu edukaciju državnih službenika i namještenika prema programima Agencije za državnu službu FBiH s ciljem jačanja kapaciteta organa uprave te radi stvaranja obučenog tima koji će pisanjem projekata po utvrđenoj metodologiji iste kandidovati na predpristupne fondove Evropske unije (IPA) kao i sredstva domaćih i međunarodnih organizacija s akcentom na ruralni razvoj, turizam i kreiranje povoljnog poslovnog ambijenta;
- ◆ sa pozicije Općinskog načelnika stvoriti kontinuitet saradnje i kvalitetnog odnosa sa Općinskim vijećem. Poštovati status svakog vijećnika i uvažavati date prijedloge te izvršavati Odluke i stavove Općinskog vijeća;
- ◆ potencirati partnerstvo a ne rivalstvo između Općinskog načelnika i Općinskog vijeća u skladu sa zakonom i pozitivnim zakonskim propisima, intelektualne pojedinačne i kolektivne potencijale iskoristiti za dobrobit svih građana općine Vareš;

- ◆ ostvariti saradnju sa drugim općinama, višim nivoima vlasti u BiH, međunarodnim organizacijama, sa Regionalnom razvojnom agencijom „Serda“, Savezom općina i gradova FBiH, NVO sektorom, mjesnim zajednicama, partnerskom komunom Flen iz Švedske, parlamentarnim političkim strankama s područja općine Vareš, građanima i drugim pravnim subjektima;
- ◆ omogućiti građanima i pravnim licima da što efikasnije i jednostavnije ostvaruju svoja prava i izvršavaju svoje obaveze;
- ◆ podići nivo saradnje sa javnim ustanovama i javnim preduzećima na području općine Vareš s ciljem stavljanja u puni kapacitet kako bi konačno postale servis građanima i odgovorile postavljenom zadatku;
- ◆ pojačati nadzor rada upravljačkih organa, koje bira i imenuje Općinsko vijeće i Općinski načelnik, te kroz izvještaje, davati ocjene o radu organa u javnim preduzećima i javnim ustanovama;
- ◆ nastaviti saradnju sa Policijskom stanicom Vareš i pratiti stanje bezbjednosti na području općine;
- ◆ posebnu pažnju posvetiti radu sa mjesnim zajednicama, u smislu poboljšanja dosadašnje saradnje sa i između mjesnih zajednica kroz organizovanje periodičnih sastanaka sa predsjednicima mjesnih zajednica kako bi se izbjeglo dosadašnje zapostavljanje jednih, a favoriziranje drugih mjesnih zajednica;
- ◆ raditi na poboljšanju informisanosti građana Općine Vareš i Zeničko-dobojskog kantona, kroz priloge putem radija, TV-a, i drugih sredstava informisanja;
- ◆ kontrolisati izvršenje obaveza iz standarda ISO 9001:2008 i blagovremeno djelovati po nalazima certifikacijske kuće te raditi na unapređenju istog;
- ◆ raditi na unapređenju informatičkog sistema i opreme i podizanje elektronske uprave na viši nivo;
- ◆ završiti unos podataka iz matičnih evidencija u elektronsku bazu;
- ◆ zalagati se svugdje i na svakom mjestu za izmjenu državnog fiskalnog sistema i analogno tome preraspodjeli izvornih prihoda u korist općina;
- ◆ učestvovati u radu svih asocijacija, čiji je Općina Vareš aktivni, pasivni ili dopisni – posmatrački član;
- ◆ raditi na rješavanju imovinsko-pravnih odnosa i legalizaciji objekata;
- ◆ učestvovati u izradi i donošenju Programa obilježavanja Dana Općine Vareš, obilježavanja državnih i međunarodnih praznika;
- ◆ pokrenuti izdavanje Info biltena Općine Vareš;
- ◆ sve drugo što je svakodnevnica i što će imati za posljedicu nesmetan, kvalitetan, transparentan te na zakonu i interesima građana općine Vareš zasnovan rad.

III. RAZVOJ PREDUZETNIŠTVA I ZAPOŠLJAVANJE

U periodu 2012. – 2016. godina, sa aspekta preduzetništva te kroz to i zapošljavanja, posebna pažnja i trud će se pridavati stvaranju povoljnih uslova za pokretanje preduzetništva i zapošljavanje lica koja su na Birou zavoda za zapošljavanje Vareš.

Glavni resurs općine Vareš su ljudi. Tu je najveća koncentracija znanja i vještina u Varešu. U tom smislu potrebno je uraditi studiju ekonomskih djelatnosti na prostoru općine Vareš i obezbijediti podršku razvoja malog i srednjeg biznisa, uz identifikaciju i poseban tretman brzorastućih firmi. Postojećim proizvodnim

kapacitetima treba omogućiti nesmetan razvoj i adekvatne uslove za proširivanje obima poslova, a osnovni zadatak općine Vareš jeste da prilagodi, rekonstruiše i izgradi primarnu infrastrukturu za razvoj ovih djelatnosti. Također, raditi na pojednostavljenju i ubrzanju općinskih procedura i učiniti ih prihvatljivim za potencijalne investitore. Općina mora imati adekvatnu saradnju sa privrednim subjektima, gradeći prepoznatljiv **BREND „dobrog mjesta za ulaganje i unosno poslovanje“**.

U narednom periodu Općinski načelnik će:

- ◆ dovesti u nivo neophodnog zadovoljenja potreba potencijalnih investitora u nove razvojne projekte i zapošljavanje;
- ◆ izraditi Investicijski vodič općine Vareš;
- ◆ raditi na jačanju omladinskog poduzetništva i zapošljavanju;
- ◆ riješiti sva sporna potraživanja, kako po osnovu Zakona, koncesionih ugovora, tako i po osnovu nekorištenja poslovnih prostora od strane privatiziranih preduzeća, na prostoru općine Vareš;
- ◆ kontinuirano raditi na iznalaženju potencijalnih investitora koji su spremni na ulaganja na našem području i na otvaranje novih preduzeća i novih radnih mjesta, pri čemu maksimalno koristiti privrednike naše općine i njihove poslovne partnere;
- ◆ u saradnji sa Regionalnom razvojnom agencijom "Serda" Sarajevo nastaviti aktivnosti u cilju formiranja poslovnih zona;
- ◆ nastaviti saradnju sa Savezom općina i gradova FBiH;
- ◆ omogućiti što bržu i efikasniju uslugu investitorima zainteresovanim za ulaganja u eksploataciju ruda obojenih metala (Borovica i Veovača) i ruda željeza, kao i u oblastima metalne, drvne, prehrambene, tekstilne industrije i turizma;
- ◆ organizovati privrednike i predstavnike vlasti svih nivoa u cilju iznalaženja mjera za stvaranje dobrog ambijenta za rad poduzetnika na našem području;
- ◆ raditi na revitalizaciji i stavljanju u puni kapacitet poljoprivredne zadruge općine Vareš;
- ◆ podsticati zapošljavanje ljudi na vlastitim imanjima, (podsticati podizanje zasada visokostablašica i jagodičastog voća kroz realizaciju javnih poziva);
- ◆ podsticati poljoprivrednu proizvodnju (uzgoj ratarskih i povrtlarskih kultura za tržište lokalne zajednice i šire);
- ◆ podsticati uzgoj muznih grla čiste pasminske linije (simental, holštaj, montafon itd.) na individualnim gazdinstvima, u cilju proizvodnje mesa i mlijeka za potrebe domaćeg tržišta i šire te iznalaziti mogućnosti za plasman tih proizvoda kroz organizovani otkup mesa i mlijeka;
- ◆ stvarati uslove za intenzivni uzgoj ovaca (otvaranje mini porodičnih farmi od 100 i više ovaca);
- ◆ raditi na izgradnji i stavljanju u puni kapacitet savremenog pogona za klanje stoke;
- ◆ realizacija projekata iz oblasti poljoprivrede po javnim pozivima međunarodnih razvojnih agencija, domaćih razvojnih agencija, ambasada i ostalih međunarodnih nevladinih organizacija koje u svojim aktivnostima pomažu i podstiču razvoj ruralnih područja i poljoprivrede, a koji se budu implementirali u periodu 2012–2016 godine;
- ◆ kroz postojeća podsticajna sredstva sa svih nivoa vlasti (općinski, kantonalni i federalni) raditi na redovnom obavještanju svih

- poljoprivrednih proizvođača kako bi na vlastitim gazdinstvima pokrenuli pojedine tržišno orijentisane poljoprivredne proizvodnje;
- ◆ kroz edukacije upoznavati poljoprivredne proizvođače sa aktuelnostima unutar pojedinih poljoprivrednih proizvodnji koje su tradicionalno prisutne u lokalnoj zajednici sa ciljem proizvodnje zdrave hrane;
 - ◆ intenzivirati razvoj pčelarstva - certifikacija pčelinjih proizvoda;
 - ◆ nastaviti aktivnosti oko registracije seoskih gazdinstava;
 - ◆ nastaviti praćenje treće faze projekta "Heifer" u saradnji sa američkom nevladinom organizacijom "Heifer" i nevladinom organizacijom "Žena za ženu" iz Sarajeva;
 - ◆ raditi na obezbjeđenju lokacije za izgradnju proizvodnih objekata na prostoru naše općine;
 - ◆ dodatno se angažovati na stvaranju što povoljnijeg ambijenta za razvoj poduzetništva;
 - ◆ dovođenje u nivo neophodnog zadovoljenja potreba potencijalnih investitora u nove razvojne projekte i zapošljavanje;
 - ◆ riješiti sva sporna potraživanja, kako po osnovu zakona, koncesionih ugovora, tako i po osnovu nekorištenja poslovnih prostora od strane privatiziranih preduzeća, na prostoru općine Vareš.

IV. KAPITALNI INFRASTRUKTURNI I TURISTIČKI PROJEKTI

Kapitalna ulaganja u infrastrukturne objekte, saobraćajnice i turističke projekte na području općine Vareš će biti realizovana u skladu sa sredstvima koja budu prikupljena ili odobrena za određenu oblast privredno-društvenog sektora općine Vareš, vodeći računa o prioritetima i trenutnim potrebama.

Planiranim budžetskim sredstvima i sredstvima prikupljenim od strane donatora, te u saradnji sa Vladom Zeničko-dobojskog kantona, nadležnim ministarstvima, direkcijama, javnim preduzećima i građanima, u periodu 2012–2016 godine, Općinski načelnik će:

- ◆ u sklopu ažuriranja Strategije razvoja općine Vareš, izraditi poseban separat Strategije razvoja turizma na području općine Vareš, s posebnim akcentom na seoski, planinski, zimski i ljetni i konačno vjerski turizam;
- ◆ nastaviti aktivnosti na obezbjeđenju finansijskih sredstava za izvođenje radova na rekonstrukciji regionalnog puta R 444 i R 444a;
- ◆ nastaviti asfaltiranje lokalnih i nerazvrstanih cesta na području općine Vareš prema prioritetima definisanim u usvojenoj Strategiji razvoja lokalnih cesta i ulica u gradu i naseljima za period od 2011. do 2021. godine;
- ◆ raditi na realizaciji plana prilagođavanja upravljanja otpadom za deponiju komunalnog otpada „Kota“;
- ◆ raditi na realizaciji projektne ideje „Energetska efikasnost stambenih objekata općine Vareš“;
- ◆ raditi na realizaciji projektne ideje „Trg Vareša“;
- ◆ raditi na realizaciji projektne ideje „Rekonstrukcija sportske sale srednje škole“;
- ◆ raditi na realizaciji projektne ideje „Rekonstrukcija bazena“
- ◆ raditi na realizaciji projektne ideje „Toplifikacija stambenih objekata i poslovnih projekata“;
- ◆ završiti projekte koji se sufinansiraju od strane GAP-a, a koji se odnose na: uređenje i asfaltiranje lokalnog puta kroz naselje Neprivaj, asfaltiranje lokalnog puta Strica-Zaruđe;

- ◆ voditi aktivnosti na realizaciji drugih kapitalnih projekata za koje se uspiju obezbijediti finansijska sredstva;
- ◆ u saradnji sa nadležnim ministarstvima i institucijama omogućiti što veći obim povratka raseljenih i izbjeglih lica, kao i obnovu uništenih stambenih jedinica;
- ◆ iznaći investitora za treću fazu (završetak rekonstrukcije) Radničkog doma;
- ◆ započeti izradu urbanističkog plana za gradsko područje;
- ◆ nastaviti aktivnosti na izgradnji mini centrala na vodotocima općine Vareš uz poštivanje svih ekoloških standarda i propisa koji regulišu pitanja iz ove oblasti;
- ◆ izraditi projektna dokumentacija za kanalizacionu mrežu u Mjesnoj zajednici Strica-Zaruđe;
- ◆ nastaviti aktivnosti na izradi infrastrukturnih projekata u mjesnim zajednicama i tražiti investitore za realizaciju već pripremljenih projekata;
- ◆ u saradnji sa mjesnim zajednicama raditi na planskom unapređivanju infrastrukture;
- ◆ izgraditi suvenirnicu na kraljevskom gradu Bobovcu;
- ◆ pored Bobovca, sjedišta bosanskih kraljeva, nastojati izgraditi najreprezentativniji rezidencijalni centar koji će biti poklonjen državi Bosni i Hercegovini, kako bi na taj način ostao trajno bosansko stanište;
- ◆ završiti postavljanje horizontalne i vertikalne saobraćajne signalizacije u gradskom području;
- ◆ nastaviti unapređivanje turističke signalizacije na cjelokupnom području općine Vareš;
- ◆ raditi na izgradnji Sportsko-turističkog centra Doli.

V. KOMUNALNI RED I ZAŠTITA OKOLIŠA

U cilju očuvanja i unapređenja zaštite okoliša, obezbjeđivanja uslova za zadovoljavanje potreba građana, pravnih lica i javnih službi komunalnim uslugama i proizvodima na području općine Vareš, Općinski načelnik će:

- ◆ u saradnji sa Kantonalnom i Federalnom upravom civilne zaštite kontinuirano raditi na poboljšanju kvaliteta zaštite ljudi i materijalnih dobara od prirodnih i drugih nesreća;
- ◆ nastaviti aktivnosti na izradi studije i odgovarajućoj zaštiti planine Zvijezda;
- ◆ u skladu sa Lokalnim ekološkim akcionim planom za Općinu Vareš i Planom upravljanja otpadom na području ZE-DO kantona, pristupiti formiranju tima za izradu Općinskog plana za upravljanje otpadom s uređenim planskim periodom, planiranim aktivnostima, načinom realizacije, nosiocima, te sredstvima za finansiranje uz tačno utvrđenu dinamiku i rokove (pri realizaciji ovih aktivnosti sarađivati sa susjednim Općinama i Regionalnom razvojnom agencijom "Serda" Sarajevo);
- ◆ u saradnji sa Javnim komunalnim preduzećem Vareš, organima mjesnih zajednica i ekološkim udruženjima raditi na unapređenju odvoza komunalnog otpada te sa drugim Općinama Zeničko-dobojskog kantona raditi na dugoročnom rješavanju deponije smeća u skladu sa utvrđenim standardima i Zakonima FBiH;
- ◆ raditi na uklanjanju divljih deponija oko puteva i vodotoka;
- ◆ raditi na saniranju deponija u mjesnim zajednicama;
- ◆ pružiti maksimalnu podršku sektoru civilnog društva u provođenju projekata orjentisanih ka zaštiti i unapređenju okoliša;

- ◆ uraditi plan i program sanacije i uklanjanja ruševnih objekata;
- ◆ izraditi akcioni plan očuvanja i zaštite spomenika prirode;
- ◆ raditi na iznalaženju finansijskih sredstava za uređenje grobalja i mezaristana;
- ◆ raditi na iznalaženju adekvatne lokacije za gradsko groblje;
- ◆ raditi na realizaciji projektne ideje „Iskorištenje biološkog otpada šuma“;
- ◆ u saradnji sa Javnim komunalnim preduzećem Vareš raditi na održavanju puteva i stvaranju uslova za nesmetan saobraćaj;
- ◆ u skladu sa Zakonom o komunalnim djelatnostima ZE-DO kantona, pokrenuti i okončati aktivnosti na provođenju svih procedura da se održavanje javne rasvjete povjeri pravnom licu osposobljenom za usluge komunalne djelatnosti;
- ◆ postojeća javna i komunalno preduzeće, čiji je osnivač Općina Vareš restrukturirati, učiniti u njima organizacijski preokret, univerzalnu i rezervisanu uslugu iz njihove osnovne djelatnosti uvrstiti u budžet Općine;
- ◆ naknade za sve komunalne usluge, čija je politika cijena pod nadležnošću Općinskog vijeća i Općinskog načelnika dovesti u nivo podnošljivog i ekonomski opravdanog;
- ◆ uraditi projekte i početi sa realizacijom sanacija svih gradskih, prigradskih i lokalnih vodovodnih mreža;
- ◆ riješiti problematiku vodosnabdijevanja svih građana Općine Vareš u skladu sa Zakonom;
- ◆ prenijeti na upravljanje nadležnoj organizaciji sve seoske i druge vodovode u skladu sa Zakonom;
- ◆ u koordinaciji sa nadležnim inspeksijskim organima provoditi mjere zaštite izvorišta pitke vode;
- ◆ u saradnji sa nadležnim ministarstvima pokrenuti postupak sanacije i rekultivacije devastiranih rudničkih površina i industrijskih zona;
- ◆ u saradnji sa Javnim komunalnim preduzećem Vareš, organima mjesnih zajednica, ekološkim udruženjima i nadležnim ministarstvima nastaviti aktivnosti na razvijanju ekološke svijesti;
- ◆ raditi na istraživanju izvorišta „Stijene“;
- ◆ raditi na iznalaženju finansijskih sredstava za izgradnju dijela kanalizacione mreže na gradskom području;
- ◆ u saradnji sa nadležnim institucijama iznaći rješenje za uklanjanje štetnih materija deponovanih na lokalitetu Veovača;
- ◆ redovno pratiti vodostaj i stanje brane na flotacijskom jezeru bivšeg „Energoinvestovog“ rudnika;
- ◆ u saradnji sa agencijom „BHMAK“ Sarajevo raditi na deminiranju površina prekrivenih minsko-eksplozivnim sredstvima na području općine Vareš.

VI. RAZVOJ KULTURNO-SPORTSKOG I OBRAZOVNOG SEKTORA

U mandatnom periodu 2012. – 2016. godina, Općinski načelnik će nastojati iznaći mogućnost obezbjeđivanja finansijskih sredstava za renoviranje i izgradnju objekata kulture, sporta kao i školskih objekata s ciljem stavljanja u funkciju i služenja svrsi, a to znači afirmacija i razvijanje svijesti prevashodno kod mladih ljudi o značaju i važnosti ovog segmenta ljudskog života u vremenu narušenih društvenih vrijednosti.

U vezi s navedenim, Općinski načelnik će:

- ◆ izraditi Strategiju prema mladima/Omladinsku politiku Općine Vareš;
- ◆ izraditi Strategiju razvoja kulture Općine Vareš;
- ◆ raditi na povećanju budžetskih sredstava za općinske studentske stipendije i stipendiranje nadarenih studenata i studenata deficitarnog zanimanja;
- ◆ iznaći modalitet povećanja budžetskih sredstava za subvencioniranje prijevoza učenika-vozača Mješovite srednje škole „Nordbat-2“ Vareš;
- ◆ inicirati u mjeri u kojoj to zakon dozvoljava reformu i centralizaciju osnovnog školstva s ciljem kvalitetnijeg obrazovanja i smanjenja postojećih troškova ovih obrazovnih institucija;
- ◆ utvrditi provodivu politiku srednjeg i visokog obrazovanja koja je od interesa za općinu Vareš u smislu strateške potrebe općine Vareš za određenim kadrovima;
- ◆ iznaći modalitet za nesmetan rad kulturno-sportskih udruženja i organizacija u smislu obezbjeđivanja objekata i prostorija, posebno za udruženja koja svoj rad baziraju na radu s mladima, animiranju i uključivanju mladih u ovaj sektor;
- ◆ podržati sve projekte koji tretiraju poboljšanje položaja mladih u općini;
- ◆ po principu javno-privatnog partnerstva iznaći mogućnost izrade projekta i izgradnju sportske dvorane sa pratećim sadržajima neophodnim za općinu;
- ◆ raditi na iznalaženju finansijskih sredstava za izgradnju/renoviranje objekata kulture, sporta, školskih objekata u mjesnim zajednicama općine Vareš (sportska igrališta, društveni domovi/domovi kulture);
- ◆ raditi na stalnoj afirmaciji civilnog društva i pružati podršku u radu;
- ◆ raditi na osnivanju Sportskog saveza općine Vareš;
- ◆ raditi na organizaciji dana „Vareške dijaspore“, afirmaciji i popularizaciji iste s ciljem promovisanja općine Vareš;
- ◆ u skladu s finansijskim mogućnostima pomagati organizovanje i održavanje kulturno-sportskih, zabavnih i drugih javnih manifestacija;
- ◆ raditi na iznalaženju finansijskih sredstava za obnovu bibliotečkog fonda „Opće biblioteke“ Vareš;
- ◆ raditi na afirmaciji i stavljanju u puni kapacitet JPU „Dječije obdanište“ Vareš;
- ◆ raditi na rješavanju statusa JU „Centar za kulturu i edukaciju“ i stavljanje u funkciju;
- ◆ u saradnji sa klubom ekstremnih sportova „Perun-Va“ Vareš nastaviti realizaciju projekta „Zvezdane staze“;
- ◆ u saradnji sa klubom ekstremnih sportova „Perun-Va“ Vareš nastaviti realizaciju projekta „Paraglajding kuća“ na lokalitetu „Greda–Perun“;
- ◆ nastaviti aktivnosti na praćenju stanja nacionalnih, kulturno-historijskih spomenika i spomenika prirode te iznaći finansijska sredstva za rekonstrukciju istih i vraćanje u prvobitno stanje;
- ◆ nastaviti afirmaciju kulturno-historijskog naslijeđa općine Vareš;
- ◆ raditi na afirmaciji i zaštiti industrijskog naslijeđa;
- ◆ raditi na iznalaženju finansijskih sredstava za rekonstrukciju spomenika iz NOR-a;
- ◆ organizovati prigodne programe u povodu obilježavanja Dana općine Vareš.

VII. UNAPREĐENJE ZDRAVSTVENE I SOCIJALNE ZAŠTITE

U mandatnom periodu 2012. – 2016. godina, Općinski načelnik će u oblasti zdravstvene i socijalne zaštite raditi na:

- ◆ podizanju nivoa pružanja socijalnih usluga te podizanju nivoa socijalne inkluzije svih ključnih aktera u oblasti socijalne zaštite uz puni angažman JU „Centar za socijalni rad“ Vareš;
- ◆ praćenju dinamike ostvarivanja prava građana u stanju socijalne potrebe u oblastima socijalne i zdravstvene zaštite;
- ◆ realizaciji projektne ideje „Centar za zdravo starenje“;
- ◆ iznalaženju rješenja i stavljanju u puni kapacitet terenskih ambulanti po mjesnim zajednicama uz puni angažman JU „Dom zdravlja“ Vareš s posebnim akcentom na kvalitet i efikasnost pruženih usluga;
- ◆ poboljšanju pružanja usluga Službe hitne pomoći;
- ◆ rješavanju spornog pitanja liječenja građana Vareša u zdravstvenim institucijama u Sarajevu.
- ◆ izradi Strategije razvoja i unapređenja socijalne zaštite za period 2013. – 2016. godina.

DOSTAVLJENO:

1 x Općinsko vijeće,
1 x a/a.

OPĆINSKI NAČELNIK

Kovačević Avdija, dipl. pravnik